






0335CH06

मिली-जुली रौहना





चर्चा करना

- क्या इंदे चा कोई जानवर, पक्खर, कीड़े ते बूहटे तुंदे घरै च तुंदे कन्नै रौहदे न ?
- क्या तुस ते तुंदे परोआर उंदी दिक्खभाल करदे ओ ?



पता लाना

- क्या कोई ऐसे जानवर, पक्खर ते कीड़े ऐन जि'नें गी तुसें दिक्खे दा ऐ ते जेह् डे पेज 72 पर दिक्खी गेदी तस्वीर च नेई ऐन ?
- उंदे नांऽ तुप्पने दी कोशश करो ते उ'नें गी ख'ल्ल दिक्खी गेदी तालिका च लिखो । इक् मसाल तुंदे लेई कीती गई ऐ ।


जानवर दा नांऽ	ओह् थाह् जिल्लै तुसें उसगी दिक्खे दा ऐ
बांदर	रुक्खै पर

अस किश जानवरें ते बूहटें गी अपने घरें च आह् नने आं । होई सकदा ऐ जे उंदे चा थोड़े हूनै-हूनै उल्लै रौह ने आस्तै आए होन । कदे - कदे अस उंदे कन्नै खुशी-खुशी अपना घर सांझा करने आं, पर कदे - कदे अस उ'नें गी अपने घरै च पसंद नेई करदे ।

- अपने परोआर दे बड़के कन्नै चर्चा करो जे जिसलै ओह् लौह् के हे तां उ'नें केह् डे जानवर ते बूहटे घरै च पाले दे हे । उ'नें गी इ'नें जानवरें ते बूहटें दे बारे च कोई बी कहानी सांझा करने आस्तै आखो ।

शिक्षक आस्तै

सभनें ज्याणें कोला जानकारी किट्टी करो, निक्की जनेही चंदी च उसगी पेश करो ते ज्याणें गी एह् दे बारे च गल्ल करने आस्तै आखो ।





चर्चा करना

जोड़े च चर्चा करो

- तु'दे घरै च बगैर सद्धे औने आह् ले जानवर, पक्खरु ते कीड़े केह् डे न ?
- तुसें गी केह् लगदा ऐ जे ओह् तु'दे घरे च की औंदे न?
- तुस अपने घरै च उ'दी मजूदगी दे बारे च केह् मसूस करदे ओ ?
- तुसेंगी उ'दे चा केह्ड़ा पसंद ऐ ?
- जिसलै तुसेंगी ओह् पसंद नेई औंदे तां तुस केह् करदे ओ ?


अस अपने घरे च किश जानवरें ते बूह्ठें गी पानी, रूट्टी ते आसरा देइयै उ'दी दिक्खभाल करने आं।



शिक्षक आस्तै

जानवरें गी नुकसान नेई पजाने पर जोर देओ भामें तुस उ'नें गी पसंद करो जां नेई, जां बेशक्क तुस उंदे कोला डरेदे आं। जानवर आमतौरा पर दुएं गी उसले तगर दुखी नेई करदे जिसले तगर जे उ'नें गी साढ़े कोला खतरा मसूस नेई होऐ।





अम्बै दा बूहटा

इक दिन शंभू, इक लौहका जागतै, अपने प्यो कन्नै जंगलै चै लंचा दा हा। ओह् अम्बै दे इक बड्डे बूह् टे दी छामां बैठी गे। अम्बै दे बूह्टे पर पक्खरु, गालढ़-चूहे, बांदर ते केई होर जानवर रौह्दे हे। शंभू ने इक बंदर गी अम्ब खंदे ते उसदा बीऽ थलै सुट्टे दिक्खेआ। उ'नें अपने बब्बै गी एह्दे बारे च दस्सेआ। ओह्दे बब्बै ने आखेआ, “शंभू, क्या तुगी एह् पता ऐ जे इस बीऽ चा इक होर नमां बूह् टा निकलग ? इस चाल्ली जानवर ते बूह्टे इक दुए दी मदद करदे न।”

શંભૂ બૂઢ્ટે પરા ઢિગ્ગને આઢ્લા અમ્બ લૈને આસ્ટૈ ઢૌઢેઆ । ડ'ને આઢેઆ, “ઢિવ્વ ! મેરે કોલ બી ઢક અમ્બ ં ।

શંભૂ ઢે બબ્બૈ ને આઢેઆ, “છઢે ફલ ગૈ નેઢૌ, અસેંગી સબ્જિયાં તે કેઢૌ ઢોર ઢીઞાં બૂઢ્ટેં શા મિલઢિયાં ન ।

“અરે ઢાં, મિગી ઢેતા આઢૌ ગેઆ ઞે તુસેં મિગી ંઢ્ ગલ્લ પૈઢ્લેં ગૈ ઢસ્સી ઢી ં । અસેંગી બૂઢ્ટેં શા ઢોઆઢ્યાં, ઢલ્લેં આસ્ટૈ ફાઢ્બર તે અપને ઢરેં આસ્ટૈ લકઢી મિલઢી ં ।”





चर्चा करना

- अस बूहटें ते जानवरें पर कि'यां निर्भर आं ?
- बूहटे जानवरें दी मदद कि'यां करदे न ?
- जानवर बूहटें दी मदद कि'यां करदे न ?
- तुस अपने आस्से-पास्से दे बूहटें ते जानवरें दी दिक्खभाल कि'यां करदे ओ ?
- जानवर ते बूहटे साढ़े पर कि'यां निर्भर न ?



क्या तुस जानदे ओ ?

ज्हारां बूहटे भलेखे कन्नै गालढ़-चूहे आसेआ लाए जंदे न। ओहू मेवें गी खाने लेई दफनांदे न ते फही भुल्ली जंदे न जे उ'नें गी कु'त्यू छपैलेआ हा। इस चाल्ली, केई जानवर ते बूहटे बक्ख-बक्ख तरीकें कन्नै मिली-जुली रौंदे ते बरोबरी बनाई रखदे न।


असेंगी इक दुए दी लोड़ ऐ

जि'यां अस जानवरें ते बूहटें गी दिक्खभाल, रक्खेआ, भोजन ते आसरा दिन्ने आं, असेंगी उ'ंदे कोला बी केई चीजां मिलदियां न। मसाल आस्तै, गौ, मैहूते बकरी कोला, असेंगी दुद्ध ते हिरख मिलदा ऐ। इसै करियै अस इ'नें जानवरें दा इन्ना आदर करने आं ते उ'ंदे कन्नै दया, मैहू र ते रैहू मत कन्नै पेश औने आं।

जानवर ते बूहटे बी खराक ते रौहू ने आस्तै इक - दुए पर निर्भर न। जानवर बीएं गी तितर-बितर करियै ते अपने कचरे राहें मिट्टी गी उपजाऊ बनाइयै बूहटें दी मदद करदे न। इ'यां बूहटें गी कोल-कच्छ ते दूर तगर बधने च ते फैलने च मदद मिलदी ऐ। अस भोजन, रौहूने, टल्लें ते साथ-सैह्योग आस्तै बी बूहटें ते जानवरें पर निर्भर आं।

शिक्षक आस्तै

सारे बिंदुएं गी किट्टा करने दे परैत्त, असान शब्दें च 'फैलना' ते 'उपजाऊ' शब्दें गी समेकत करो, संखेप च पेश करो ते समझाओ।





गतिविधि

1

कुसै इक जानवर गी जानो

- अपने आसै-पासै दे जानवरें गी दिक्खो ।
- कुसै बी जानवर गी चुनो जिसी तुस आमतौरा पर दिक्खदे ओ, जि'यां बकरी, गौ, कुत्ता, बिल्ली जां पक्खरु जि'यां कां, कबूत कां चिड़ी, तोता जां बत्तख ।
- जिसलै बी तुसें गी मौका थोए तां इसगी बारीकी कन्नै दिक्खो । तुस इ'दे आस्तै इक कटोरी पानी ते किश (अ)नाज बी रक्खी सकदे ओ ।



लिखो

जानवर जां पक्खरु दा मुखसर विवरण लिखो—

- उस जानवर जां पक्खरु दा नांs दस्सो ते वर्णन करो जिसी तुसें चुनेआ ऐ ।
- तुसें इसगी पैहली बारी कुसलै ते कु'तै दिक्खेआ हा ?
- क्या एह् उत्तै इक्कला हा जां अपने दोस्ते कन्नै ?
- एह् दी हलचल दा वर्णन करो ।
- इ'नै केदेही अवाज कड्डी ?
- क्या तुसें इसगी खंदे दिक्खेआ, सौंदे दिक्खेआ,
- अपने दोस्ते कन्नै गल्ल करदे होई जां कदे - कदे लड़दे होई दिक्खेआ ?
- क्या इ'नै किश नेहा कीता जि'नै तुसें गी रहान करी ओड़ेआ जां तुसेंगी हस्साआ होऐ ?
- अपनी कहानी गी अपने साथिये कन्नै सांझा करो ।





गतिविधि

2

मसरूफ, मसरूफ, मसरूफ ते चालाक मकोड़ियां !

तुस एह गतिविधि अपने बूहू टे मित्तर कोल, अपनी कलासै च जां घरै च करी सकदे ओ। अपनी रसोई चा थोहू डी मात्तरा च त'ऊं किस्में दा खाना आहू न्नो :

- खंड जां गुड़ आहू गर मिट्टी;
- पापड़ जां मुरकु आहू गर तले दा ;
- उबले दा जां पक्के दा जि'यां , ब्रैड, फुलका, इडली, चौल जां रागी इ'नें त'ऊं किस्में दे भोजन गी फर्शे पर इक सिट्टी रींघ च रक्खो। पर इ'दे च इक फुट्ट दी दूरी होऐ। .

अंदाज़ा लाओ

- रूट्टी आस्तै कु'न औग ?
- उ'दा पसंदीदा भोजन केहू डा होग ?
- क्या कोई मकोड़ियां तु'दे खाने पर औडन ?
- ओहू कु'तलै औडन ?
- क्या सब्भै मकोड़ियां इक्कै जनेहियां लभडन ?
- ओहू सभने थमां पैहू लें किस खाने पर जाडन ?
- खाने पर किन्नियां मकोड़ियां औडन ?
- ओहू खाने दा केहू करडन ?

अपने बूहूटे मित् कन्नै मलाटी

जिसलै तुस दुखी, परेशान जां तो है च होवो तां तुस अपने बूहूटे मित्तर कोल जाई सकदे ओ ते एहू दे बारे च गल्ल करी सकदे ओ जे तुस कनेहा मसूस करा दे ओ।?




शिक्षक आस्तै

लौहू के ज्याणें गी बूहू टे कन्नै दोस्ती करने आस्तै आखना चाहिदा। एहू हमदर्दी बधाने दा इक बड़ा गै जबरदस्त ते प्रभावी तरीका ऐ। लौहूके ज्याणें आस्तै जेहूडे मते चुप-गुम ते इक्कले रौंदे न, एहू गतिविधि उ'दियें भावनाएं गी सांझा करने च मदद करी सकदी ऐ।.



पौधें गी बी साढ़ी देखभाल ते समर्थन
दी लोड़ ऐ। जानवर बी करदे न। अस सारे
इक दुए दी मदद करी सकने आं।

जोट्टे च बैट्टो। तुं'दे चा कोई कुसै
जानवर, पक्खरु, कीड़े जां बूहटे दे नांऽ
दे बारे च सोचग ते इसगी अपने साथी
दे कन्नै च बल्लें जेही दस्सग।



गतिविधि

3

अंदाज़ा लाओ जे में कु'न आं ?

इस गल्लै दा ध्यान रवै जे तुस इसगी बड़े जोरै कन्नै नेई आक्खेओ ! तुं'दे साथी गी
जानवर, पक्खरु जां कीड़े आंह गर बरताऽ करना होग ते चलना होग ते क्लास गी एह् दा
कैफा लाना होग जे एह् कुस जानवर दी नकल ऐ ! एह् दे परैत्त तुस भूमकां बदली सकदे
ओ।

मसाल लेई:

- गोपा दे मित्तर अली ने ओह् दे कन्नै च 'डडू' आक्खेआ। तुसें गी केह् लगदा ऐ
जे गोपा ने केह् कीता ?
- सुखिया दे मित्तर सूरज ने ओह् दे कन्नै च 'पीपल दा दरख्त' आक्खेआ। तुसें गी
केह् लगदा ऐ जे सुखिया ने केह् कीता ?



आओ चिंतन करचे

क. चर्चा करो

1. अस बूह्टे ते जानवरें पर कि'यां निर्भर आं ?
2. असेंगी अपने बातावरण च बूह्टे ते जानवरें दी दिक्खभाल कि'यां करनी चाहिदी ?
3. बूह्टे ते जानवर सादे पर कि'यां निर्भर न ?

ख. लिखो

1. इ'ने वाक्यें गी बूह्टे, पक्खरुएं, जानवरें जां कीडें दे नांs कन्नै पूरा करो:
 क. मिगी दिक्खना पसंदऐ _____ की जे _____
 ख. _____ मिगी स्थाओ की जे _____
 ग. मेरे मित्तरें _____ गी पसंद _____
 ऐ की जे _____
 घ. में ध्यान रक्खना चाह् न्ना _____
 की जे _____
2. क. तुं'दे आसेआ उप्पर दित्ते गेदे जानवरें बिच्चा तुं'दा मनभांदा जानवर,
 पक्खरु, कीड़ा जां बूह्टा केह्ड़ा ऐ ?

 ख. तुसें गी एह् की पसंद ऐ ?

 ग. सभनें थमां लौह्के शा लेइयै बड्डे तगर सभनें जानवरें, पक्खरुएं, कीडें दे
 नांs लिखो, जिनेंगी तुसें दिक्खेआ जां सिक्खेआ ऐ ।



ग. ड्रा करो

1. जानवरें, पैछियें ते कीडें दे नांs दस्सो ते उ'दें चित्तर बनाओ जिं दे :
- | | |
|--------------|----------------|
| क. दो पैर न। | ख. चार पैर न |
| ग. छे पैर न। | घ. अट्ठ पैर न। |

© NCERT
not to be republished





क्या तुस जानदे ओ ?

इक सच्ची कहानी !

एह तमिलनाडु दे वालपराई नांS दे इक निक्के नेह् शैह् रै दी कहानी ऐ। स्कूली ब'रे दरान वालपराई दे बक्ख-बक्ख स्कूलें च ज्याणे ते शिक्षक अपने शैह् रै च औने आह् ले पक्खरुएं दी तलाश करदे न ते रिकार्ड करदे न।

बरखा दे ठीक परैत ते स्यालै दे म्हीनें च ओह् इ'नें पक्खरुएं, ग्रे वैगटेल आस्तै इक बशेश सुआगत दी योजना बनांदे न! इ'नें पक्खरुएं गी आमतौर पर तमिल च वालट्टी कुरुवी दे नांS कन्नै जानेआ जंदा ऐ। ठंडू दे म्हीनें दरान ग्रे वैगटेल प्हाड़ें थमां भारत दे गरम हिस्सें तगर पुजदे न ते किश म्हीनें तगर उत्थै रौह् दे न।

जिसलै पैह् ले ग्रे वैगटेल वालपराई पुजदे न, तां ज्याणे ते शिक्षक पक्खरुएं आस्तै सुआगत पोस्टर लाइयै उ'दे औने दा जशन मनांदे न ते ओह् सभनें गी मठाइयां बंडदे न !

- क्या तुस जानदे ओ जे इ'नें पक्खरुएं गी वैगटेल की आखेआ जंदा ऐ ? पता कड्डो !
- क्या तुस कहानी गी कोई नांS देना चांह् दे ओ ?

